



SUID-AFRIKAANSE NASIONALE SAADORGANISASIE

SOUTH AFRICAN NATIONAL SEED ORGANIZATION

NPC Reg No 1989/003392/08

24 Februarie 2020

AAN ALLE SANSOR LEDE BETROKKE BY SAADCERTIFISERING

OMSENDSKRYWE

SERTIFISERINGSFOOIE EN PRYSE VAN ETIKETTE & SEËLS VIR 2020; OPGAWE VIR ETIKETTE, SEËLS EN SERTIFIKAATNOMMERS

Aangeheg vind asseblief die onderskeie fooie vir dienste en voorraad wat vir sertifisering aangewend word, wat vanaf **1 Maart 2020** van toepassing is, soos deur die SANSOR Bestuurskomitee vasgestel. **Let asseblief daarop dat SANSOR Lidmaatskappye 50% afslag op die aangeduide pryse vir registrasiefooie sal ontvang.**

U word daaraan herinner dat verskillende fooie vir Nasionale Sertifisering teenoor Internasionale Sertifisering (OECD, AOSCA, SADC) gehef word. U moet gevolglik duidelik aandui wanneer u eenhede registreer vir sertifisering indien die betrokke eenheid vir plaaslike (Nasionale), OECD, AOSCA of SADC Sertifisering geogmerk is. Maatskappye wat nalaat om tydens registrasie aan te dui vir watter Skemas registrasie aangevra word of 'n eenheid slegs vir Nasionale Sertifisering registreer en dan daarna aansoek doen vir die uitreiking van OECD, AOSCA of SADC Sertifikate, sal dan vir R250.00 per Sertifikaat aangeslaan word om die addisionele administrasie te dek – bewys van betaling daarvan sal dan voorgelê moet word voordat die betrokke Sertifikate uitgereik sal word. Indien u vir beide Nasionale en Internasionale Sertifisering van 'n spesifieke eenheid aansoek doen, sal slegs die fooie van toepassing op internasionale sertifisering (OECD, AOSCA) betaalbaar wees. Let verder daarop dat slegs variëteite waarvan die benaming daarvan in die betrokke Internasionale Skema se Variëteitslys voorkom, ingevolge die betrokke Internasionale Skema gesertifiseer mag word.

U aandag word weereens daarop gevestig dat alle “Aansoeke vir die Registrasie van 'n Stuk Grond as 'n eenheid”, ongeag die Skema waarvolgens sertifisering versoek word, SANSOR moet bereik binne 28 dae na die plant van die betrokke eenheid 'n aanvang geneem het. Ingevolge 'n besluit geneem deur die Sertifiseringstaandekomitee, moet alle registrasies wat laat ontvang word, onderwerp word aan 'n boete wat gelyk staan aan die totale aanvanklike registrasiefooie van die betrokke eenhede, met ander woorde die registrasiefooie word verdubbel.

U aandag word daarop gevestig dat vir ad hoc bestellings vir seëls en etikette daar 'n addisionele administrasiefooie van R500,00 per bestelling gehef sal word.

DIRECTORS:

RH Roselt (Chairman), PR Smit (Vice-Chairman), B Lever, DE Malan, N Goble, SM Hildebrand, Dr L Chetty

Neem verder ook kennis dat alle ongebruikte Sertifikaatnommers wat voorheen aan u uitgereik is, op 1 Maart 2020 verval en dat u by Felicia van Niekerk by techman@sansor.co.za of 012 472 9510 moet aansoek doen vir nuwe Sertifikaatnommers vir gebruik gedurende die 2020/2021 tydperk. Neem kennis dat dit binnekort verpligtend gaan word dat die unieke sertifiseringseël- en -etiketnommers wat aan die houers van elke saadlot aangebring is, op die Aansoek (Voorlopige Sertifikaat) en/of Ontledingsverslag aangedui moet word voordat 'n finale Sertifikaat uitgereik sal kan word; hierdie reeksnommers moet ooreenstem met dié wat in die Werkblad die teenoor elke lot aangedui is.

Let daarop dat u voor 15 Maart 2020 'n opgawe by seedcert@sansor.co.za moet indien waarin die aanwending van die etikette en seëls wat aan u verskaf is, getabuleer word – die betrokke Excel Werkblad is voorheen aan u verskaf. 'n Nuwe vorm vir gebruik vir die 2020/2021 jaar is aangeheg.

Dit sal waardeer word indien u die omsendskrywe aan almal in u maatskappy sal sirkuleer wat betrokke is by saadsertifisering.

Beste groete



E Goldsmit
TEGNIËSE BESTUURDER
SANSOR

**